



ქობულეთის მუნიციპალიტეტის საკრებულოს თავმჯდომარის

ბ რ ძ ა ნ ე ბ ა N 01-17/8

09/12/2020

8-01-17-4-202012091301

ქ.ქობულეთი



**ბ რ ძ ა ნ ე ბ ა**

საქართველოს მთავრობის 2020 წლის 23 მაისის 322 დადგენილებისა და 2020 წლის 26 ნოემბრის N699-ე დადგენილების „იზოლაციისა და კარანტინის წესის დამტკიცების შესახებ“ შესაბამისად, კორონავირუსის გავრცელების აღსაკვეთად მის წინააღმდეგ ერთიანი ღონისძიებების განხორციელების შესახებ საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-3 ნაწილის „გ“ პუნქტის თანახმად კორონავირუსის (COVID 19) გავრცელების პრევენციის მიზნით კორონავირუსთან დაკავშირებით მოქმედი უწყებათაშორისო საკოორდინაციო საბჭოს გადაწყვეტილებების, ჯანმრთელობის მსოფლიო ორგანიზაციის რეკომენდაციების შესაბამისად, კორონავირუსის გავრცელების აღსაკვეთად, მის წინააღმდეგ ერთიანი ღონისძიებების განხორციელების მიზნით ვ ბ რ ძ ა ნ ე ბ ა :

1. სამსახურში არ გამოცხადდეს საკრებულოს წევრი, საკრებულოს თანამდებობის პირი, საჯარო მოსამსახურე, შრომითი ხელშეკრულებით დასაქმებული პირი:

ა) რომელიც ბრძანების ძალაში შესვლამდე ბოლო 7 კალენდარული დღის განმავლობაში იმყოფებოდა ჯანმრთელობის დაცვის მსოფლიო ორგანიზაციის მიერ იდენტიფიცირებულ კორონავირუსის მაღალი გავრცელების ქვეყანაში ან მოემგზავრება ასეთი ქვეყნის გავლით – საქართველოში დაბრუნებიდან 12 დღის განმავლობაში;

ბ) რომელიც ბრძანების ძალაში შესვლის დროისთვის ან შემდეგ იმყოფება ამ პუნქტის „ა“ ქვეპუნქტით განსაზღვრულ ქვეყანაში და დაბრუნდა საქართველოში – საქართველოში დაბრუნებიდან 12 დღის განმავლობაში;

გ) რომელსაც კონტაქტი ჰქონდა ამ პუნქტის „ა“ ქვეპუნქტით განსაზღვრული ქვეყნიდან ჩამოსულ პირთან ან მასთან ერთად მცხოვრებ პირთან;

დ) რომელსაც კონტაქტი ჰქონდა იმ პირთან, რომელსაც დაუდასტურდა ახალი კორონავირუსი.

2. ამ ბრძანების პირველი პუნქტით განსაზღვრულმა პირმა:

ა) ამ ბრძანების პირველი პუნქტით გათვალისწინებული 12 დღიანი პერიოდი გაატაროს თვითიზოლაციის წესების დაცვით

ბ) სამსახურში გამოუცხადებლობის მიზეზისა და რისკჯგუფში შემავალ პირთან კონტაქტის შესახებ ინფორმაცია მიაწოდოს საკრებულოს აპარატის ან უშუალო უფროსს, და გადავიდეს თვითიზოლაციის რეჟიმში;

გ) სამუშაო შეასრულოს დისტანციურად, უშუალოდ ხელმძღვანელის მიერ გაცემული დავალებების შესაბამისად.

3. საკრებულოს თანამდებობის პირებმა, საკრებულოს წევრებმა, საკრებულოს საჯარო მოხელეებმა, შრომით ხელშეკრულებით დასაქმებულ პირებმა სამსახურეობრივ შენობაში

(მათ შორის სამსახურებრივ ოთახებში) უზრუნველყონ ჯანმრთელობის დაცვის პროტოკოლების, რეკომენდაციებისა და ჰიგიენის წესების დაცვა.

4. შეიზღუდოს სამსახურებრივი მივლინებები, გარდა გადაუდებელი აუცილებლობით გამოწვეული შემთხვევებისა.

5. ეთხოვოს საკრებულოს შენობაში მყოფ ყველა პირს, დაიცვას ჯანმრთელობის დაცვის სამსახურების მიერ გაცემული რეკომენდაციები და ჰიგიენის წესები.

6. საკრებულოს თანამდებობის პირებმა, საკრებულოს წევრებმა, საჯარო მოხელეებმა, შრომითი ხელშეკრულებით დასაქმებულმა პირებმა მწვავე რესპირაციული დაავადების სიმპტომის არსებობის შემთხვევაში მიმართონ ექიმს, აგრეთვე აცნობოს ქობულეთის მუნიციპალიტეტის საკრებულოს აპარატის უფროსს, საკრებულოს აპარატის შემთხვევაში, ხოლო საკრებულოს თანამდებობის პირებმა, საკრებულოს წევრებმა საკრებულოს თავმჯდომარეს, თუ საჭიროა თვითიზოლაციის რეჟიმში გადასვლა.

7. ეპიდემიური საფრთხის შემცირებამდე:

ა) საქართველოს კანონმდებლობის მოთხოვნების დაცვით შეიზღუდოს საკრებულოში, საკრებულოს სხდომათა დარბაზში თემატური საჯარო ღონისძიებების ორგანიზება გარეშე პირთა მონაწილეობით;

ბ) საკრებულოს აპარატმა უზრუნველყოს გარეშე პირთა დაშვებისა და გადაადგილების რეგულირება;

8. 2021 წლის 01 თებერვლამდე საკრებულოს თანამშრომელთა 80%-ი გადაყვანილ იქნას დისტანციური მუშაობის რეჟიმზე თუმცა დისტანციურ სამუშაო რეჟიმში გადასვლა არ ნიშნავს სამუშაო საათების შემცირებას ან თანამშრომელთა შვებულებაში ყოფნას. საჭიროების შემთხვევაში, დისტანციურ სამუშაო რეჟიმში გადასული თანამშრომელი სამსახურში მოთხოვნისთანავე, დაუყოვნებლივ (არა უგვიანეს 1 საათისა) უნდა გამოცხადდეს. ცნობად იქნეს მიღებული ის გარემოება, რომ ამ ბრძანებით გათვალისწინებულ პირებს უნარჩუნდებათ შრომის ანაზღაურება საქართველოს კანონმდებლობის შესაბამისად.

9. საკრებულოს შენობაში მყოფ ყველა პირმა, დაიცვას ჯანმრთელობის დაცვის შესაბამისი კომპეტენტური ორგანოების მიერ გაცემული რეკომენდაციები და ჰიგიენის წესები.

10. წინამდებარე ღონისძიებები არის საკრებულოს თანამდებობის პირებისა და აპარატის შრომის შინაგანაწესის შემადგენელი ნაწილი, რომლის დარღვევამ შეიძლება გამოიწვიოს დისციპლინური პასუხისმგებლობის დაკისრება.

11. ბრძანება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ.ბათუმი, ზუბალაშვილის ქ. N30);

12. ბრძანება ძალაშია ხელმოწერისთანავე და მოქმედებს 2020 წლის 29 იანვრის ჩათვლით.

დავით მჭედლიშვილი



საკრებულოს თავმჯდომარე  
ხელმძღვანელობა

